



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e-mail: info@voda.ba

Broj: **UP-1/21-3-40-552-7/23**
Datum: **31.01.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Tuzla-Kvarc“ d.o.o. Tuzla za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa „Moluška Rijeka“, Grad Tuzla, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Tuzla-Kvarc“ d.o.o. Tuzla daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa „Moluška Rijeka“, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (obodni kanali i taložnici) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se oborinske onečišćene vode sa radno-manipulativnih i eksploatacionih površina nesmetano sakupljaju i odvođe do objekata predviđenih za tretman otpadnih voda (taložnici), a zatim ovako tretirane vode preko monitoring okna ispuštaju u definisani recipijent – Delića potok i dalje u potok Joševica.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz taložnika i obodnih kanala oko eksploatacionog polja i pristupnog puta ne smije se odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Tuzla-Kvarc“ d.o.o. Tuzla obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa „Moluška Rijeka“, Grad Tuzla.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A. Opća dokumentacija:
- Aktuelni izvod iz sudskog registra izdat od strane Općinskog suda u Tuzli – ovjerena kopija,
 - Rješenje o vodnoj dozvoli, broj:UP-1/25-3-40-288-4/19 od 16.07.2019. godine izdato od strane Agencije za vodno područje rijeke Save, Sarajevo – kopija,
 - Saglasnost, broj:UP1-16-18-2-06526/2018-1607-4-P od 23.01.2019. godine izdata od strane Federalnog rudarsko, termičkog i elektro-energetskog inspektorata – kopija,
 - Uvjerjenje o poreznoj registraciji od 01.07.2014. godine izdato od strane Kantonalnog poreznog ureda Tuzla – ovjerena kopija,
 - Opći akt o održavanju, korištenju i osmatranju vodoprivrednog objekta, februar 2019. godine urađen od strane „Tuzla Kvarc“ d.o.o. Tuzla,
 - Dokaz o uplaćenju federalnoj upravnoj pristojbi na zahtjev,
 - Izvještaj o monitoringu kvaliteta i kvantiteta otpadnih voda za „Tuzla-Kvarc“ Tuzla, kop Moluška Rijeka, broj:1374/23 urađen od strane „Inspekt RGH“ d.o.o. Sarajevo, oktobar 2023. godine,
 - Pismeno izjašnjenje, broj:IP-07/24 od 04.01.2024. godine,
 - Ugovor potpisan sa „Kemeko-BH“ d.o.o. Lukavac, broj:563-01/23 od 17.07.2023. godine – kopija,

- Odgovor na zahtjev, broj:16-14-5-06111/2023-16-3 od 30.10.2023. godine sačinjen od strane Federalnog rudarskog, termičkog i elektro-energetskog inspektorata – kopija

B-Tehnička dokumentacija:

- Glavni rudarski projekat eksploatacije kvarcnog pijeska na PK "Moluška Rijeka" urađen od strane „Jata Group“ d.o.o. Srebrenik, januar 2019. godine.

- Reviziona klauzula urađena od strane „Rudar“ d.o.o. Tuzla, 08.02.2019. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru P.K. Moluška Rijeka, Grad Tuzla i tom prilikom sačinjen Zapisnik o izvršenom uviđaju broj: UP-1/21-3-40-552-5/23 od 29.01.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pravno lice „Tuzla-Kvarc“ d.o.o. Tuzla ima potpisan koncesioni ugovor za eksploataciju kvarcnog pijeska na prostoru P.K. Moluška Rijeka, Grad Tuzla sa Ministarstvom industrije, energetike i rudarstva Tuzlanskog kantona na vremenski period do 2027. godine. Na prostoru P.K. Moluška Rijeka, Grad Tuzla nisu izgrađeni fiksni objekti za smještaj radnika, servisiranje mehanizacije, skladištenje, pretakanje nafte i naftnih derivata te opasnih i drugih komponenti. U neposrednoj blizini se ne nalaze naselja, niti površinski tokovi. Pristupni put ka eksploatacionom polju je makadamski, loš, teško prohodan.

- Projektom dokumentacijom je predviđeno da se eksploatacija mineralne sirovine putem bagera otkopava, vrši utovar u kamione te njen transport do postrojenja za separaciju koja je locirano u krugu firme (van prostora površinskog kopa Moluška Rijeka). U procesu eksploatacije mineralne sirovine ne koristi se voda niti nastaju tehnološke otpadne vode. Oborinske onečišćene vode koje nastaju prilikom oborina se procjeđuju kroz mineralnu sirovinu u podzemlje. Projektom dokumentacijom je predviđeno da se dio oborinskih voda prikuplja putem otvorenih kanala i gravitaciono se prikupljaju u vodosabirnik-taložnik dimenzija 5,0X3,0 m dubine 1,50 m iz kojeg se voda prelivom usmjerava u Delića potok i dalje u potok Joševica.

- Projektna dokumentacija na osnovu koje se vrši eksploatacija mineralne sirovine -Glavni rudarski projekat eksploatacije kvarcnog pijeska na PK "Moluška Rijeka" urađena od strane „Jata Group“ d.o.o. Srebrenik, januar 2019. godine. Dokumentacija je revidovana od strane „Rudar“ d.o.o. Tuzla, 08.02.2019. godine, te verifikovana-odobrena od strane Ministarstva privrede Tuzlanskog kantona. Od nadležnog kantonalnog ministarstva privrede dobijeno je Rješenje kojim se odobrava izvođenje radova na eksploataciji mineralne sirovine.

- Od strane Federalnog rudarskog, termičkog i elektro-energetskog inspektorata pribavljeno je mišljenje kojim se potvrđuje da je privredno društvo postupilo po Rješenju Federalne uprave za inspekcijeske poslove, pribavilo dozvolu za eksploataciju (prethodno riješio pitanje koncesije, urbanističke saglasnosti, dokaza prava korištenja ili služnosti na zemljištu određenom za eksploataciju mineralne sirovine) zatim pribavio dozvolu za izvođenje rudarskih radova po Glavnom projektu (prethodno pribavio dokaz o ispunjenosti uslova za izvođenje rudarskih radova i vodnu dozvolu od strane Ministarstva privrede Tuzlanskog kantona).

- U skladu sa zahtjevom Agencije pravno lice je dostavilo Izjavu kojom potvrđuje da su na terenu izgrađeni objekti i sadržaji u skladu sa Glavnim rudarskim projektom eksploatacije kvarcnog pijeska na PK "Moluška rijeka" urađena od strane „Jata Group“ d.o.o. Srebrenik, januar 2019. godine tj. postupili su u skladu sa zahtjevima iz tačaka 3.1, 3.2., 3.3. Rješenja o vodnoj dozvoli broj:UP-1/25-3-40-288-4/19 od 16.07.2019. godine.

- Rezultati monitoringa, tj. kvantitativnih i kvalitativnih karakteristika efluenta iz mjeseca oktobar 2023. godine urađeni od strane „Inspekt RGH“ d.o.o. Sarajevo ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20, 1/24).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Tuzla-Kvarc” d.o.o. Tuzla ispunio minimum uslova za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa „Moluška Rijeka”, Grad Tuzla, te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH”, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-552-6/23 od 30.01.2024. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- Tuzla-Kvarc d.o.o.
- 21. decembar b.b., 75000 Tuzla,
- 0 AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava